

0314

U B061 AAB  
MAHATHIR - PINTU  
(I)

KUALA LUMPUR, 14 APRIL (BERNAMA) -- PERDANA MENTERI DATUK SERI DR MAHATHIR MOHAMAD HARI INI MENGUMUMKAN STRATEGI BARU BAGI MEMPERGIATKAN PERTUMBUHAN INDUSTRI PELANCONGAN NEGARA, MELIBATKAN USAHA MEMAJUKAN TIGA PINTU MASUK BAGI PARA PELAWAT ANTARABANGSA KE NEGARA INI DAN SKIM TAMBANG ISTIMEWA OLEH SYARIKAT PENERBANGAN NEGARA.

KETIKA MERASMIKAN PERSIDANGAN PATA '86 DI PUSAT DAGANGAN DUNIA PUTRA (PWTC) DI SINI, BELIAU BERKATA, KUALA LUMPUR, PULAU PINANG DAN KOTA KINABALU AKAN DIMAJUKAN SEBAGAI PINTU MASUK BAGI PARA PELAWAT ANTARABANGSA.

+DARI PUSAT-PUSAT INI, KEMUDAHAN AKAN DISEDIAKAN KEPADA PELANCONG ASING UNTUK MELAWAT TEMPAT-TEMPAT MENARIK DI SELURUH NEGARA,+ KATANYA.

SEMENTARA ITU, SISTEM PENERBANGAN MALAYSIA (MAS) AKAN MEMPERKENALKAN DUA SKIM TAMBANG ISTIMEWA BAGI PARA PENUMPANG TEMPATAN DAN ANTARABANGSA BAGI MEMBOLEHKAN MEREKA MELAWAT LEBIH BANYAK TEMPAT MENARIK DI NEGARA INI.

SKIM PERTAMA MENAWARKAN PARA PENUMPANG ANTARABANGSA MEMASUKI NEGARA MENERUSI UDARA MELALUI KUALA LUMPUR ATAU PULAU PINANG SERTA PILIHAN MELAWAT SATU TEMPAT LAIN DI SEMENANJUNG TANPA KOS TAMBAHAN.

BAGI YANG MEMILIH UNTUK MELAWAT KOTA KINABALU, LABUAN ATAU KUCHING DARI KEDUA-DUA PUSAT DI SEMENANJUNG, POTONGAN HARGA SEBANYAK 50 PERATUS DIBERI BAGI TAMBANG UDARA. -- LAGI  
1157MST 14 04 86

U B064 AAB  
MAHATHIR - PINTU 2 KUALA LUMPUR  
(I)

+TAWARAN YANG SERUPA DISEDIAKAN KEPADA PARA PENUMPANG YANG MENGGUNAKAN KOTA KINABABLU SEBAGAI PINTU MASUK BAGI MEMBOLEHKAN MEREKA PERGI KE SATU TEMPAT LAIN DI SABAH, LABUAN ATAU SARAWAK TANPA KOS TAMBAHAN, ATAU MELAWAT KUALA LUMPUR ATAU JOHOR BAHRU PADA POTONGAN HARGA TAMBANG UDARA SEBANYAK 50 PERATUS,+ KATANYA.

DATUK SERI DR MAHATHIR BERKATA, POTONGAN HARGA 25 PERATUS AKAN DIBERI KEPADA MEREKA YANG MEMILIH UNTUK MELAWAT SEKTOR-SEKTOR TAMBAHAN.

SKIM KEDUA MENAWARKAN POTONGAN HARGA 25 PERATUS BAGI TAMBANG UDARA KEPADA PARA PENUMPANG PERSEORANGAN DARI PUSAT-PUSAT SERANTAU DAN PENUMPANG DALAM NEGERI YANG MELANCONG DENGAN KUMPULAN TIGA ORANG BAGI SEMUA SEKTOR DALAM NEGERI.

+TAMBANG-TAMBANG ISTIMEWA INI DIHARAPKAN DAPAT MENGGALAKKAN PELANCONGAN DI NEGARA INI,+ KATANYA. -- BERNAMA  
1159MST 14 04 86